

國子監志

國子監志卷七十四

藝文志八

應

制進冊 乾隆三年

詩

于 枋

列聖尊師崇典禮。我

皇重道啓文明。

鸞輿進駐先猷渥。駕瓦新加廟貌嶒。遠溯隆規從

闕里。

特敷曠典自神京。地當首善風聲近。壁應中圓氣象宏。
詔敕司空勤樸斲。幣

頒內府備經營。黃雲徧布連天峻。金掌平鋪映日晶。殿
上琉璃光錯落。池中芹藻影縱橫。

素王宮竝

宸居麗風伯。塵從輦道清。三月春光當上巳。十行

溫語布先庚。德參天地超千古。道協君師集大成。珠榜

雙懸輝鳳翥。璇題迴揭耀鯨銓。扇移雉尾雲中
出。樂奏鈞天仗外鳴。班列趨蹌多聖裔。道傍瞻

拜有諸生。九衢鶴立聽傳箭。五夜雞人早報更。
閭闔初看陳玉輅。宮牆已見涖青旌。禮虔登薦
殷三獻。道契精微貫一誠。殿廡乍傳嚴祀享。橋
門恰喜彙簪纓。青衫爭識

天顏近。縹帙齊繙講席盈。天命源流研似髮。放勲事業
見於羹。理從無極推尋細。德本生安剖析精。更
聽

王言宣妙蘊。共賞

君賜愜羣情。裏封黃帕煩中使。餅餠紅綾比大烹。砥礪

生徒先器識。選升俊造廣科名。

聖明繼述光前史。不數貞觀暨永平。

詩

汪士鋐

御宇綏猷撫萬方。風行首善

涖宮牆。

經筵早探文章府。璧水新隆禮樂場。甫歷疆原

躬耒耜。更期絃誦集膠庠。稽儀卜吉

咨宗伯。奠幣鳴球

詔太常。露湛桐花迎

仗發。春深芹葉薦筵芳。

鸞旗映翠臨東序。

雲罕搖青出建章。門闕樞星金碧煥。庭陳石鼓鼎彝光。
天書璀璨

題銀榜。殿瓦琉璃照畫廊。俎豆明馨

誠意格。笙歌備奏

德音彰。三階登降瞻

龍袞。兩翼簪紳儼雁行。黛柏連雲祥靄護。

皇輿載道惠風揚。莘莘國子隨

仙蹕。濟濟儒林侍講堂。綵縵巾裾循律度。藏挺劍珮謹趨跄。雲屯鱗萃班初定。星共辰居。

幄正張。

御几平移丹地近。琅函旋展綠綈裝。微文闡發霞敷采。大義昭宣斗耀芒。研討千秋傳玉檢。譚論六藝啓珠囊。諄諄。

帝訓敷言遠。赫赫。

聖謨施教詳。性道淵源符往哲。敷猷格被駕前王。穆宗惇祀幽光表。

側席旁求俊彥翔庶彙

甄陶歸典則。姁修

調變協柔剛。圓橋觀聽槐街合。夾道歡呼

羽葆颺。多士依依魚在藻。羣英颺翹鳳鳴岡。欣逢

盛典鉤鐘鼓。文物昭回

泰運昌。

詩

孫灝

敷天聲教際崇文。

視學昌期準大昕。膠序典追三代遠。咸韶音向九成聞。

春旗日暖排仙仗。

寶幄香霏護紫雲。觀聽橋門齊拜慶。

翠華翹首瑞氤氲。其一

丹旂輦飛釋奠新。

宮牆富美百無倫。參天道與星辰炳。肅

廟

躬將禮樂陳。

袞冕齊瞻森六館。豆遵重薦接三旬。心源直溯尼山

峻。禮祀馨香格有神。其二

壁沼春深翠苻長。駕鸞夾道迓

龍光。九天

奎藻輝東序。五色

綸章賁上庠。

玉案乍飄香。暗霽牙籤徐拂軸。琳瑯

垂衣郅治崇儒術。

聖學千秋頌就將。其三

槐階上舍居聯席。虎觀諸儒聚析疑。思近

聖人聞性道。生逢

元后作君師。青衿

賚溥垂

宸眷。

紫綵宣稠煥。威儀文物周。京豐鎬舊。辟雍鼉鼓被聲詩。

其四

詩

于敏中

振興治化重師儒。

前列昭垂禮更殊。

駕幸尼防傳盛典。

敕新殿廡擬

皇都

兩朝宸翰

天文煥，五代王封神意乎。今日

聖明光繼述，先從首善肇

鴻模，其一

於論鐘鼓盛皞皞。

詔以三年幸講堂，預敕冬官勤模斲，選同

闕里煥

宮牆橋門池沼連天碧。殿上琉璃映日黃。恰喜功

成當釋菜。青旗早已出明光。其二

風和春仲上丁時。

萬衆初行三獻儀。禮器輝煌陳俎豆。

宸章璀璨護雲螭。德參天地功同撰。道繼勳華統作師。

纔聽九成天外奏。圓橋又見飭諸司。其三

聖主垂裳教養新。東郊耕後涖成均。天田好雨真如露。

璧水和風正及春。黃幄殿頭輝彩壁。青袍道左

傍簪紳。諸家博士兼言冉。觀禮新恩覲

紫宸。其四

穀雨欣當上巳前。龍旗豹尾拂鎭煙。

九重天上難彝肅。百辟班中虎拜虔。底用芹香歌魯頌。
漫將石鼓紀周宣。

盛朝典禮輝千載。冠蓋紛迎弟子員。其五
祀事初成瑞氣開。

鑒與早向講帷來。縹緗珍重東西列。聖齋從容次第陪。
槐蔭兩行沾化雨。禁香一片淨纖埃。雍雍學舍
瞻

天處甲乙諸科領茂才。其六

道隆克舜泊尼山。斷自唐虞始不刪。率性欽明

原共貫。放勳位育本相關。儒臣進講昭彝典。

天語丕宣振懦頑。觀聽一時沾雅化。紅綾餅餌特分頒。

其七

到處儒生忤舞聲。文宣後裔樂陶成。郎官光應

星辰燦。州牧恩兼金紫榮。藻耀黉宮添鼓篋。華

開綠野廣吹笙。微臣珥筆叨佳宴。竊附風謠紀

太平。其八

詩

顯謨承烈際重熙。

聖主端居講藝時。禮樂百年光舊典。文明千載啓

昌期。心源自與唐虞接。道脈遙從洙泗垂。視學季春依

月令。於論鐘鼓譜歌詩。其一

詔下冬官庀桂梁。功成不日待

登堂。櫺星彩煥幾重戟。壁水光新數仞牆。盛漢千霄峨

冊府。蟠龍翥鳳麗

天章。眼看駕樣琉璃瓦。竝與

宮雲一片黃。其二

虎闌燈燭集儒官。聲報靈懸夜色寒。博士四門
齊鼓篋。諸生六館盡彈冠。濃濃露待霑槐市。綬
綬雲先護杏壇。漏刻漸催天半曙。分班鵠立候
鳴鷺。其三

太平

天子涖芹宮。夾道旌旗映日紅。正是芳時逢穀雨。共欣
清蹕引薰風。典文稽古三雍備。

家法尊

師六拜崇。不盡高山瞻仰意。

精裡直自比升中。其四

彝倫堂繞

玉鑪煙。論說司成

賜坐氈。占得

飛龍乾五位。肆來鳴鹿雅三篇。賓興更展春官額。俊造

同分太府錢。率海譽髦觀

盛德。

恩波還勝永平年。其五

衣冠萬國萃園橋。化日光天覲

聖朝。侍子早聞來百濟。舞干端已格三苗。期門脫劍通

經盛。絕域銷烽受節遙。試望泮林棲錦翼。好音

俱學鳳皇調。

其六

歌辭謹序

張鵬翀

天子藉於天田。又三日有事於辟雍。

玉輅親臨。羣工祇肅。維時太學橫經絃誦之士。三千餘

人。咸得拜迎道左。瞻仰

聖天子穆穆之容。踴躍下風。欽承

至敬。我

皇上續成丕緒。正當百年禮樂之期。德盛化神。婉隆三

五。

天章炳煥。與舊六為七。釋奠講學。崇儒重道。千載一時。

小臣備員侍從。幸獲

聖期。沾被

猷賜。欣忭感激。輒形歌咏。詞義淺陋。愧列承明。制作之

林。竊希附日月之末光。揚懿美於萬一。其辭曰。

聖主親詣太學。尊師典禮攸崇。夙夜心傳。宥密旦明。契

合昭融。六經與天無極。大道如日正中。

講筵大昕警衆。觀聽曠若發蒙。其一

伊古教為治本。與朝建學親師。有熊成均是始。
虞氏米廩昭垂。成周制兼四代。三雍典備上儀。
我

皇憲章祖述。顯爍用光前規。其二

三月晨昕暉麗。和風初動

鳴鑾

天子尊師北面。相儀祇肅千官。上公紱組陪祀。多士跼

濟峩冠。降輦。

天容穆穆。圓橋衆庶勝歡。其三

黃屋

宸居竝麗。翠華

法駕親臨。車服兩階粲列。金絲九奏揚音。三獻上丁載

肅。五雲太甲蕭森。幸備

明廷侍從。

聖涯涵泳泓深。其四

禮旣成兮樂備。儒臣趨侍執經。墳典披陳治要。

性天剖析流形

聖學浩如河海

綸言炳若日星。宛同制作定世。早符五老降庭。其五

列祖德輝廣被。我

皇道岸先登。六藝折衷有素。五經纂述相仍。文教譽髦

無斁。賢關連茹同升。濟濟三千。拜舞仰瞻。丕顯

丕承。其六

陟降崇階。殿阿俯看。樂育菁莪。槐市街連。玉軫

成賢里接。鳴珂峻德。瑰隆三古。元氣鼓盪。太和

慶城

鑾輿弭節。穰穰受福孔多。其七

大矣

聖人臨御。優優崇德尚賢。王者仁期必世。禮樂興在百

年。稽古榮光。曷爽。

殊恩猷賜駢聯。共際光天化日。宛然風月無邊。其八

以上六言八章章八句

廟庭金爵鬱觚稜。古柏森森翠靄凝。遙見柘袍

親降輦。樞星門外日初升。其一

國子監志

卷七十四

藝文志八
應制進冊

十三

驚旗乘曉拂春星。先甲精禋接上丁。陪祀千官皆屏息。

一人齋被薦芳馨。其二

臨雍典禮燦重光。聖裔賢嗣肅裸將。三獻上儀仍翼翼。兩階萬舞更洋洋。其三

祀事將成禮更殷。齋心萬古接斯文。兩楹夢奠精英在。福祿如天答

聖君。其四

黷宮肅列候

鑒興。春氣融和。化日舒六館諸生齊拜舞。儒臣齊肅進

經書。其五

尼山道脈

聖心傳。講座微言。徹性天。功效自然。符位育。一時化雨

被三千。其六

平生誦讀。企都俞。愧乏賡颺。繼典謨。此日

欽明親聽親。信知身世是唐虞。其七

慶成

聖駕六龍飛。多士榮沾。猷賜歸。近識

天顏知有喜。侍臣長得被恩輝。其八

以上七言八章章四句

頌謹序

秦蕙田

皇上握符出治。建極綏猷。體剛健之乾行。煥文明之離
照。膺民覺世。殫濬哲於生知。稽古尊經。懋緝熙
於典學。

聖製昭乎象緯。日麗星輝。

道範契於羹牆。金聲玉振。黃瓦壯聲飛之宇。制擬

闕廷璇題標

鳳翥之章。光騰雲漢。廣開膠序。徧春絃夏誦之英。

特賜瑤編。示月窟天根之奧。學術總該乎四代。俊髦遠

集乎九瀛。道德一而風俗同。聲教宣而彝倫叙。

聿舉

臨雍之典。祇行釋菜之儀。翠華捧日以雲移。法駕乘春
而電轉。天香飄乎義路。龍軫駐乎禮門。睹奧升
堂。修筵飭几。

皇心載肅。祀事惟虔。難彝與瓊。罕交陳。象管竝金。錦迭
奏。禮既成於

文廟。送。

親蒞乎講筵。紫案橫經。闡三才之底蘊。縹囊啓鑰。扶萬
彙之精華。中和著位育之功。欽明表聖神之德。
笙簧六籍。冠冕百王。車服雍容。備觀黼黻。珎璜
之美。宮牆巍煥。恍聞金石絲竹之音。轉陶冶於
鴻鈞。作新有象。運樞機於圓軸。樂育無私。化雨
旁流。泮水蔚著。莪之色。文風普扇。珠林呈棧。樸
之華。廣賢裔之觀光。數倍加乎五氏。擴賓興之
解額。澤覃被乎八紘。洙泗增光。章縫胥慶。臣身

游藝圃。志切經畬。丹地雲高。仰

天文之炳耀。芹池晝永欣

盛典之遭逢。敬播頌聲。冀揚休烈。謹拜手稽首以獻

詞曰

聖皇撫運。如日正中。化成光被。德盛業崇。惟三載春。

親詣辟雍。典宗百代。輦馭六龍。道由揆一

聖以天通。虔陳籩豆。肅肅雖難。迺

臨講席。旭旦曛曛。談經論道。綏厥降衷。中庸戒懼。克典

欽恭。會其有極。允迪羣蒙。圓橋觀聽。億萬喁喁。

被濯興起勵志飭躬匪文伊實以篤淳風雅頌
之腴禮樂之容自南自北自西自東江河浸潤
洋溢豐融惟

帝廣運文思明聰作君作師聲施無窮

頌謹序

劉綸

欽惟我

皇上右文稽古重道崇儒

御極之三年春既

躬詣太學行上丁釋奠禮三月癸丑朔越二日甲寅遂

親率羣臣。及國胄庶俊。大合樂講經於
彝倫之堂。所司以成禮告。伏念我
國家化成久道。累洽重熙。

皇上統備君師。以

聖契

聖定。

素王之制。崇

黃屋之規。重以

睿藻。喬皇表彰至道。天地清泰。日月昭回。克舜勲華。文

武謨烈。一以貫之。先是二年冬。

御製樂善堂全集成。以學官請。

特允頒賜。俾廣牖迪。凡預園橋鼓篋者。蒸蒸囁囁。陶陶

遂遂。皆得進而頌。

天子之高深學問焉。茲當

大禮慶成。都人士式霑

醲化。允宜抒之觀聽。被以絃歌。謹拜手稽首而獻頌

曰。

翼翼橋門。巍巍道存。

大君之臨。道立。

師尊。乃時維大昕。有聞鼗鼓。有習。

鸞旗。有翔。

鷩羽。樞星曙開。德風化雨。言從之于邁。于堂于廡。既登。

萬舞。亦奏三終。祝贊曰。具儀昭哉。有融。莫歟。牆。

歟。心印脈通。遂周乎翼序。自我西東。有哉。

聖宮。式增式擴。梵碧以黃。塗丹於腹。

講席在堂。莞筵布畢。偉知覺之先。千秋鐘鐸。用闡性府。

用宣道藏。德明而峻。敷被而光。

一人鼎呂多士笙簧猗歟

宸翰為雲漢章猗歟

聖製為金玉相

帝曰俞哉自今以始奕爾上公烝爾博士爾冠爾裳五

十其氏爾俎爾豆萬億其祀先民有乞言書於

惇史矧爾在泮載壬載林載赤其帑載青其衿

載

錫之命無俾爾弗任茵以黼純爰坐爰讌甌以金莖爰

酌爰薦曰廩之餼之樂此

畿甸曰茅之茹之。惟德之編。以廣于德心。以嗣于德音。小臣作頌。以獻于

司歲。

頌謹序

杭世駿

皇上御極之三年。歲在著雍。月維柔兆。

詔有事於太學。先期下所司。各庇職。以上考

國程。秉經義。用丕集於禮。甚盛典也。於是日官吉

錫。禮官具儀。大胥簡徒。司樂授器。迺陳

法駕。詣辟雍。躬釋奠。大臣陪位。小臣就列。六軍七校。既

匡既肅禮成

上御彝倫堂進師儒等官敷闡經術生徒萬人圍橋瞻
企咸稽首願化仰奉

聖天子盛德作人至意臣謹按古學之制自五帝始有
虞夏商各建名義姬氏受錄兼用四學設教之
方於斯為備是以於論鼓鍾鎬京辟雍諸什咸
見採於詠歌宣於金石傳之一時千古雖誦我
朝統一區夏大啓儒風文德錫極茂典有加
皇上以生知之質肇執中之傳典謨總於一心聲教訖

於四海。

國有嘉禮。次第舉行。茲乃

親臨學宮。修明大紀。煌煌焉。秩秩焉。自古文治之隆。未

有如

今日之盛者也。小臣幸際

昌期。與觀明備。敢以淺鄙。妄擬穆如。然自臣子近光
之願。下士鳧藻之情。誠有不容以已者。謹獻頌
一篇。頌曰。

天生蒸民。有物有則。克綏維后。曰攸好德。戢戢

有衆其羣千億翼翼秀良萃此

皇國國之所儲下土所誥禮容樂服稱是令譽若彼良
畝惟勤蓄畬若彼純璞琢為珩琚珩琚鏘鏘多
士濟濟我

皇顧之嘉樂豈弟迺詔太常迺命司啓青陽之吉式昭
典禮典禮戒備司贊攸行物瑞雲照神聽氣昌
玉振金聲而道大光

前聖

後聖合德一堂堂皇業業上棟下宇銀榜環林重檐夾

廡。犧尊青黃冠裳黻黼。樹羽崇牙。象簡。鼙鼓。列
辟左右。奉璋贊。黼。敷席振采。有孚盈缶。青煙縈
槐。綠霧拂柳。凡此羣材。為薪為爇。

帝有思言。如春斯暄。

帝有恩植。如卉斯蕃。陳詩論藝。勿告勿諉。航浮沂泗。緒
引義軒。明明

列祖。教澤孔淵。

皇上善述。野無遺賢。儒風浹宇。文思啓天。百物熙皞。展
唐虞年。品哉多士。敬修厥指。或德而材。或道而

藝庶幾大成以承

帝筮小臣矢音用告世世

賦

董邦達

維乾隆之三載兮。至治煥乎寰瀛。昭緝熙之敬
德兮。發二氣之淳精。紹心傳於千聖兮。訖聲教
於八紘。然猶

念典學。致純誠下

明詔。樹風聲將

臨雍以訪道。開六學而進儒生。於時律吹姑洗。日喜載

陽戟門槐綠。壁水芹香。乃新

廟貌。丹雘煌煌。乃灑

宸藻。日麗星芒。黃瓦晶瑩。彩煥琉璃之色。銀泥璀璨。勝
開雲漢之章。禮器斯成。備千秋之法物。笙鏞在
列。啓萬仞之宮牆。

天子於是卽齋宮。乘玉輅。羽衛屯雲。鑪煙凝霧。望類壁
以前驅。闕橋門而徐度。多士集而趨鳧。上公度
而振驚。肅肅雍雍。降

輦以步。禮隆三獻。中階瞻

龍袞之升。序列千官。陪位盡駕。鸞之數爾。乃

一人穆穆。萬舞洋洋。神人胥悅。志氣肅張。樂奏九成。儼

聽魯宮絲竹。羽陳八佾。如親洙泗文章。

前聖與

後聖。默契合於一堂。禮成而退。

講幄高褰。儀曹捧案。祭酒趨筵。芸編既設。妙義斯宣。精

研奧旨。不落言詮。性由天命。道以教傳。中和是

致。戒愼惟虔。載稽古帝。齊聖廣淵。恭安寶備。光

被無邊。一得罄儒臣之奏。

九重示心印之全。必功先乎謹獨。斯學足以達天。雖欽
明之帝德。祇不越乎敬焉。蓋聖功實王道之本。
而作君裕作師之權。由是臣鄰忭舞。士子騰騫。
猷聞緒論。曲受陶甄。乃溥敷澤於千八百國。而
宏道統於億萬斯年。既備上儀重申。

英命。沃瀛海兮瓊為漿。沛澤宮兮膏流潤。雷動兮歡迎。
嵩呼兮齊進。迴璇車兮柳拂清塵。轉和鑾兮花
紫彩紉。益嘉惠於遐荒。更開門而遜俊。喜曠典
之親逢。知敷天之同慶。如震噴而發聲。聆金聲

與玉振。慚弁陋之愚表。贊

高深而莫竟。竊握管以揮毫。獻蕪詞而紀盛。

頌謹序

陳兆畚

臣聞引年肇自虞庠。視學詳於姬籙。文物聲容
散見詩禮。遐哉尚矣。厥後令辟迭興。時循掌故。
園橋觀聽。以為美談。顧或質異徇齊。文慚述作。
業業之旨罕窺。郁郁之觀未逮。洪惟我

皇上所其無逸。煥乎有文集羣聖之成。貫萬殊於一。
言成綸綍。動合典謨。是我

皇之明德。

先師其馨享之。重以揚風。屹雅別穴。搜巖家有

賜書。戶多挾冊。天下之士。于于而來。

闕下者。蓋以萬數。是我

皇之道化。

先師其式憑之。乃者三雍丕煥。六館濟蹕。綺簇清漪。

雲連黃屋。猶復綽以金榜。麗以

龍文。出入如臨。左右如在。是我

皇之崇禮。

先師其降鑒之。由斯以談道合者神謀德均者禮肅
非徒以崇侈虛文。勉遵故典而已也。乾隆三年
三月。爰有事於太學。時則端策諏辰。大昕警列。
儒寮展采。禮臣相儀。鐘鏞振於序。籥翟陳於階。
皇上於是式灌獻之節。儼緝熙之容。

聖敬日躋。

道心淵映。禮成。

御彝倫堂。萃羣士以陳謨。按六經而校德。探奧突揭神
筌。規勲華。示簡易。蓋罔不拜手稽首。欽承我

后之明訓。易曰。觀乎人文。以化成天下。詎不信歟。臣備
員侍從。謹獻頌一篇。以比於擊壤之體。詞曰。

於鑠

皇清。丕顯文德。我

皇繼之。式承前列。百辟其刑。四方順則。俾哉

先聖。萬世所宗。人倫之至。俎豆斯崇。翼翼宮廟。載見
辟雍。維此辟雍。萬國之視。方春和時。我

皇涖止。端服正弁。釗羹列簋。列簋既奠。典禮攸行。爵具
三獻。詩歌六成。神之格思。終和且平。乃命仍筵。

乃設玉牀凝丞奉書侍言懷樂期門受讀虎賁
脫劍堂階之側羣策雍雍逝矣四裔咸從於公
懷仁仰化。蘊智欽風。奕奕諸生。寶閑且敬。青槐
如煙。圓海若鏡。兼明作規。

一人有慶慶譽

一人瓊琚玉珩思皇多士

皇國克生

帝曰俞哉勉爾令名方

帝之來都莊雲動迨

帝之還。燿路飈送。言觀

國光。萃此有衆。古云文章揚厲。豐美。詩歌於論。書
載喜起。以臣之愚。未暢厥旨。於萬斯年。敬告悖
史。

國子監志卷七十五

藝文志九

應

制進冊 乾隆五十年

高宗純皇帝肇建辟雍釋奠講學禮成恭紀

頌謹序

嵇璜

臣惟禮經以辟雍為天子之學。而其名肇見於詩。於論於樂。周制尚已。然必推稽於壽考作人之化。與夫詒燕子孫之謨。以見受命者之德純。

福備用是行禮樂宣至教顯誼軌焉建成周以後繞門環沼考跡於漢京大都循名眇實視雅材所美復不相及矧若珍符茂典駢集竝時而制禮從宜遠邁姬室者哉欽惟我

皇上寅迓鴻釐丕承

前烈文治宣而武勛鏖宗河翁而巨漭恬醲化四蒸上

邕下泝

壽逾古稀而精勤益勵

聖德日盛

聖福日崇。

五世一堂。雲初慶衍。

景祚之綿。蕃禧之溥。生民以來。信乎未之有也。歲乙巳元日。

頒詔中外。行慶施惠。九寰布懽。於是繩

祖武。普春祺。自六十以上至百餘歲。黃髮飴背之叟三千人。於初正六日。祇赴

闕廷。大啓耆譙。

恩禮稠渥。至矣哉。

錫福之上儀也。且夫學校之隆。必由於沐浴漸靡之會。在易恒之象曰。聖人久於其道。而天下化成。孔穎達謂聖人得天長地久之道。所以能光宅天下。使萬物從化而成也。繫辭言蓍之用曰。大衍之數五十。王弼謂演天地之數。所賴者五十也。萬物之策。凡萬有一千五百二十。皆於大衍推之。天數一至五為生數。地數六至十為成數。大衍實具天地生成之道。聖人參天贊地。與天地同其高明博厚。即與天地同其悠久無疆。我

皇上協天人之應。宏

君師之道。於癸卯歲春。

特命太學。崇建辟雍。舉元明以來。五百餘年之軼典。而釐舉之。至甲辰冬。告歲事焉。今仲春上丁。

皇上詣廟釋奠。禮畢。

臨辟雍。

親行宣講。典至盛也。臣竊考辟雍之說。詩傳以形言。禮注以義言。而繹其字。可以見其制。毛傳鄭注。義無不合。他如蔡邕崔靈恩諸家所言水廣四周。

其園若璧意亦不異我

皇上詔稽經訓揆度古今下至綆汲輪引之法舉蒙
指示因地制宜尤非拘儒末議所幾及萬一者茲者
建極敷言右文典學凡莘莘裔胄濟濟生徒環橋門而
觀聽者至期雲集願近

天子之光所由敷

聖化暢

皇風浹厖洪揚景鏖者於斯為極矣若記所云食三老
五更於太學本屬漢儒附會其事未可徵信且

養老之典。見於周禮司徒司門羅氏等職。初無所為三五之名。更不必並舉於臨雍之日。臣伏讀

聖製於園水則有落成之

記。於更老則有辨謬之

說。又以三老之名。徵據孟子。以見理不可不日窮。書不可不日讀。凡皆循名責實。折衷至當。

聖訓昭垂。加以講經闡道。

御論以宣之。崇儒重禮。

御製詩以示之。成均之衆。涵濡

教澤。延企蹈舞。其為首善之建。又孰有大於此者乎。時

又值四庫書四部校繕全竣。

文閣列儲羣籍。光華炳輝冊府。

昌期協應。不期而會。禮成之日。瑞雪霏霏。郊野優渥。
天庥翕召。用兆豐徵。

皇上與命重申。宣綸播闡。薄海內外。咸以為

聖主德之純。與福之備。曠軼萬古。益以慶

聖壽之延洪。錫羨於億萬斯年也。臣久沐

洪慈再逢鉅典。思欲導揚。

盛美以摠下悃。竊以周詩靈臺之篇。文王有聲之章。推
美豐鎬。鋪張揄揚。流播千載。以昔視今。其大小
廣狹。不可同年語焉。不揣譎陋。謹拜手稽首而
獻頌曰。

建國莅民。教學是先。於京立監。至元書年。我
皇御寓。炳樞耀璇。粵稽辟雍。若海迴淵。徵名定義。璧象
告圓。迺

召司空。相彼廟堦。度地定制。講堂之前。

往歲彊圉。新茲廟堂。辟雍肇建。曰維昭陽。斟酌古制。訓言精詳。汲泉以紱。甃石為梁。旋邱隆棟。峙乎中央。制兼周學。規軼虞庠。告成不日。大衍符慶。

辟雍既成。四方所覩。有漪者池。有倬者宇。

聖澤所涵。道德之府。覲我

帝光。儀文待舉。煌煌

御記。豐碑式樹。復古典隆。匪泥於古。實主名賓。為學之務。

旃蒙啓運。太族司辰。軒簫肇歲。鳳紀五旬。慶綿
瓜瓞。景福駢臻。

九天溫詔。布自紫宸。歡聲喜氣。風馳八垠。寰瀛普汜。庶
彙皆春。游源泳沫。覃被化鈞。

洪惟

聖祖。讌啓耆英。我

皇繩

武。惠茲高齡。三千耆長。聯步

殿廷。授几扶杖。共沐

寵榮春觴既醉歌詠太平引年視學典必分行惟彼成均奚取老更。

青陽仲月上丁期屆往有恒儀習舞舍菜典重親臨先期敕戒肅肅講條承風揚對庶尹駿奔雍容冠帶上公博士和鸞共會爰及師儒無小無大。

九閭曉開銅龍倣曙華鐘鏗音。

翠旌啓路。

帝至於雍德車樂御俎豆維虔鏞鼓式具。

聖敬聿昭心源以溯惟恭之安惟德之裕普淖馨香以。

迂

洪祚

講席高張

御論用聞。維聖緝熙。維乾行健。五倫斯明。一誠是貫。百

家箋疏。衷於

睿斷。覺世牖民。

天章巍煥。涵泳

聖涯。企瞻道岸。圓橋蒸蒸。式舞而忭。珠璣告豐。

至誠馨格。

國子監志

卷七十五

應制進冊

七

玉輅言旋。

恩綸疊錫。

掄英上庠。特廣解額。爰自躬桓。逮於百職。

彤墀頒賚。文縑束帛。容臺式宴。酒醴芬苾。霑被

龍光。飲茲

閨澤。

邳治既登。

湛仁既究。湯湯海流。宮牆美富。多士雲蒸。匠成翹秀。

聖人蒞止。咸欣瞻就。裊鼓軒舞。頌聲斯奏。

福與日升。

德隨時懋。觀文化成。榮鏡宇宙。

詩謹序

德保

伏讀詩魯頌小序云。泮水頌僖公能修泮宮也。夫泮宮諸侯之制。不足以擬辟雍。然魯侯廊模閼規。導泗於泮。鸞旂莅止。維時臣工。猶以穆穆明明為頌焉。欽惟我

皇上御寓五十年。仁洽道豐。

朝熙門穆。萬國粲宴。九有光昭。崇

聖以布治尊學以右文特於太學創建辟雍厥功肇
成。

大典斯舉仲春禋祀。

龍輶載臨演繹

孔猷垂示

天哲將將乎煌煌乎瞻薰霽而聆磬鈞者萬萬而羣億
億而興也。白虎通德論曰辟雍所以行禮樂宣
德化也。韓詩說曰辟雍者天子之學所以教天
下是以

聖人運洪鈞乎

皇極開

元模以軌物。明象立制。園水成壁。非所謂天地同節。
輝烈光燭者歟。顧

京師太學。自元明以來。辟雍規制咸闕。或以古者
太學在郊。在郊則引水易。近世太學在國。在國
則引水難也。臣謹考之於大雅。鎬京辟雍。夫辟
雍繫以鎬京。則京國之中。古有辟雍明矣。迺又
考之於王制註。殷太學在郊。周太學在國中。夫

國中既立太學。則辟雍亦必建於國中矣。然則旋邱環壁。即國中當自有引水之方焉。奚必越郊坰。繫廣澤。始足規沼矩臺。修古宏化耶。

皇上相度成均。廣利井養。嘉文教之宣。宅美王道之周流。足正澤宮在郊之異議。聿創明堂外水之崇基。垂

憲勒

文。烏奕往代。後漢書載顯宗駕臨辟雍。士人驚集。儀度式昭。史策相傳。連鑠唐宋。然未若我

皇上景祚協太初之元。

玉牒蕃

五世之盛。均禧黎老而

慈惠布。行慶朝野而

天賚周。久道化成。備臻懋美。參稽古籍。闢址上庠。符以

德圓行方之象。闡以觀天察地之神。登歌省戒。

辰旒肅

御。

帝訓光乎五典。鴻儀耀乎三雍。臣備員秩宗。職司邦禮。

竦誠襄事稽典承

謨謹撰七言古詩一章拜手稽首以獻其詞曰

睿圖作極光鴻基握符統紐持瑤璣法乾行健增

福紀日新不已繇昌期軌儀

至聖景元德崇儒道在尊

先師圖書亮章義博奧以

聖傳

聖交相資覃敷

文命先太學三德三行垂

國彝成均古稱五帝制辟雍名肇殷周時名以制
定期質實取辟有德符前規東京辟雍雖締造
與學異處滋經疑孰如我

后徵石紀黼宮博啟審地宜曰古辟雍重五學明堂月
令存其詞靈臺靈囿昔同構觀天理化敷洪施
禮本於古期勿闕汝臣率作其奮撝何必郊庠
始通澤井冽可緣縈清漪武王宅鎬學在國辟
雍肇建徵諸詩於郊於國制無異瓊源長注成
珍池法天象璧奉經式節觀行教昭

皇儀因地宣流。易程力順時而動。考厥司岩。曉

紫殿儼嶽立。繚垣煜見鉤陳垂。修梁跨五準。水泉四

方圓。聽周天維。虔成刊石貴。

謨典。日星垂耀光。九達上丁元辰肅祀事。

鑒輓親詣陳明盛。大昕鼓徵列羣彥。繼世華胄羅文綦。

聖堂臨御欽。

日表十華笈。啓騰龍螭講臣侍。

幄聆經義。羣言衷。

聖理不移。多士舒翹望。光采學市紛集詠。且嘻橋門洞。

達流

帝澤。

恩隆典鉅承榮滋。

聖皇釀化久彌洽。延洪錫羨瞻

堯曦。首持泰柄承勤毖。道全德備猶孜孜。閱千百載如

一日。義年昊歲同登隣。

一堂備集

五葉盛。本支百世傳來茲。

龍孫抱孫

帝萬壽。福以德致臻神奇。恰值大衍書鳳紀。堯衢擊壤

時同推。

家祥

國瑞均盛美。

恩綸廣播四海。彌祇承靈貺。申類告瑄薌。載薦神宴嬉。
皇流溥博。溉百族。塗歌邑誦。情熙怡。晨暉疊旦。衍昌運。
司命益壽珍符披。典紹

皇祖布

膏澤。上正錫宴隆英耆。國老皤皤拜且舞。連延庶老相

追隨。泝泝者衆盈所欲。浸沐元氣年不衰。福歲
廣博永庥命。崇術立教歌咸綏。自求伊祐與典
學。辟雍鐘鼓傳西岐。王者臨蒞類非一。春秋以
序升馨粢。合舞合樂事異轍。釋奠釋菜等有差。
立學創始儀特重。皮弁將祭承嘉禧。

哲后經營濬國沼。祥源浚照涵。

聖涯豐功旣輯告。

先聖暉緝茂矩凝蕃燿。禮和樂舉。

審文電。綜述道奧六藝搞。鳥集鱗萃盛觀聽。

惠液滲漉靡有遺。騰華照寓景。馨烈寶錄駢。羨時純熙。
勒崇垂鴻傳。萬嗣化光王。鏡侔姚姁。

雅謹序

阿桂

上紀元之五十載。太歲梅蒙。夾鐘月上。丁有事於
文廟。自諸王大臣。暨百執事。衍聖公四氏博士。徕與
陪祀。釋奠禮洽。

上御彝倫堂。更衣。

親莅辟雍。樂奏盛平之章。班侍翼翼。大學士祭酒以次
陳講。

天語闡宣。義揭星日。橋門祇聽。渙如鑒如。貪以為自生。
民以來。傳心之道。與傳道之政。未有盛於我。
皇上也。瑞符之合。福應之懋。亦未有盛於我。
皇上也。廣宴千叟。

祖武繩焉。粹毓重孫。孫謀裕焉。既以月正元日。覃賁。
恩詔。敷錫臣庶。與天下普慶罔斁。而落成辟雍。茲逢其。
會。曰

臨曰

講名與實敦。用廣

德心。免貢監生課程一月。增明年京兆試解額。利用賓
於王。越三日。

宴執事官於禮部。典隆軌誼。遠越舊章。故曰禮樂
之大。百年而後興。自西自東。自南自北。無思不
服。非法天行健。緝熙敬止之至詣。孰能與於此。
臣竊聞古始立學。必釋奠於先聖先師。蓋釋幣
曠舉。釋菜數舉。惟釋奠較得其中。其時有學無
廟。後乃即廟立學。周公孔子顏子。遞為先聖先
師焉。今天下府州縣學。皆依太學之制。以黃瓦

覆

大成殿。

至聖先師孔子之神廟之前。鑿池半規。謂之泮池。則天子曰辟雍。諸侯曰泮宮之義也。以諸侯之學之池如半珪。知天子之學之池如璧。以諸侯之學之宮曰泮宮。知天子之學之宮曰辟雍。雍通作雍。亦作廡。其訓辟為明。訓雍為和。為壅水。殆陋儒附會之說。考文證義。多不合也。第府州縣學有半池。而太學未有圓池。自至元立學以還。

卷一 應制進冊

必待

君師合一之統。宏樹規儀。垂示無極。以彰

教思。以協福紀。王道之實功。聖神之能事。咸速恒久。不
其韙歟。夫辟雍泮宮。見於王制。而始於詩之雅
頌。朱子之釋靈臺曰。辟壁通。雖澤也。天子大射
行禮處。又曰。蘇氏引莊周云。文王有辟雍之樂。
疑辟雍為樂名。臣伏思天子於學行禮。必大合
樂。要不得。即以辟雍名樂。至習射獻囚養老諸
禮。行之於學。不必概行之於辟雍。辟雍者。澤宮

之別名。澤宮者。今

辟雍之懿制。彼詩疏所云水圓而內有地。水下地
高。故以邱言之。曷若卽地作殿之為得其正也。
昔魯頌言泮宮。大雅言辟雍。後之人形容盛德。
頌多雅少。

天子視學。於雅為宜。臣不揣固陋。擬雅二篇。拜手稽首
獻焉。

有雍。美

天子監古聲制。於太學鑿池象璧也。

有雍設學。重天子邦。若庠序校。環以川融。崇樂備禮。

聖清緝熙曰

天作

君曰

天作

師。一章

翼翼禮殿。有瓦載黃。秩秩講舍。有槐載榮。于廟告崇。于學昭典。申考三雍。司空

命建二章

面勢巡度。彝倫之陽。按矩準步。周圍無方。言導
濬源。相彼圓折。其濬淵淵。其漾潑潑。三章

北地深厚。委輸有請。何以養之。不窮惟井。乃綆
乃汲。稟言

鑒裁。俯仰游沂。人涵

聖涯。四章

維石有渠。制昉漢京。醴渠繕堤。治河是成。我

皇度工。因小喻大。旋邱覆土。環流如帶。五章

鷺斯在梁。其翼振振。秉心精白。士也德進。芹斯藻斯。匪沼乃池。

皇協天體。日儀月儀。六章

鍾鎬賁鼓。於樂辟雍。中和韶奏。隨彼泮宮。明堂靈臺。議禮非一。

皇時監之。循責名實。七章

日華星爛。落成

紀成。穹碑載峙。中天文明。自元迄今。五百餘歲。必

聖人起。稽古閱議。八章

右有雍。八章。章八句。

蒞講。美。

天子釋奠禮成。講道辟雍也。

蒞學思服。學必立廟。

聖萬世師。功崇德報。

皇諏筮人。吉蠲上丁。醵鷩蒞旂。朕往舍萌。一章。

樂奏告闕。我。

皇袞衣。莘莘就列。于雍東西。自王公卿。聖裔賢裔。迨爾。

生徒。三千餘計。二章。

應制進冊
維心止符敬德祇訓

皇揆道同仁孝慈信運貞衍元健行有常維

皇御天與天時行三章

序講有秩以書以經

玉音載宣肅肅跼聆退就橋南雲韶廣奏式

宴以醕豈惟教胄四章

業精行成

賚金示惠書賢與能額廣秋試百禮孔洽地負海涵

恩言如春噓我環林五章

三老五更。袒割備養。于學舉行。

皇闢其宴。厥有耆宴。首春舉焉。於

殿於

廷。繩

武萬年。六章

昌後燕天。五福

五代顯思繹思。保世元會

帝臨講學。軼於成周。匪直豐芑而頌貽謀。七章

維

仁貴敦累土肖之維

智貴圓臨水樂之橋門恪事臣罔不恭臣領記載述時

有雍八章

右

蒞講八章章八句

賦

實光鼎

歲在癸卯

詔建辟雍於國學逾年落成

皇帝迺以乙巳仲春釋奠

先聖。

講學於庭。觀聽者圍橋門。拘虛子在焉。叶禮既。迺過稽古先生而問曰。蓋聞國學之設。昉於虞庠。夏稱東序。殷號瞽宗。周人兼用之。迺尊天子曰辟雍。其制則旋以水而如壁。築其中以爲宮。上法乾以正圓。下應坤而成方。屋通天而徑九。肖變化於陰陽。敞七十有二牖。戶外設以不藏。象日辰與七宿。高迺應乎黃鐘。帶周四以波流。類環海之洋洋。崇中室而爲太廟。大一統則曰明堂。天

子以朝以祭。以教以饗。叶歲時觀祿。與習射。師
行告馘。以獻功。兼養老而乞言。書惇史以戒忘。
區四門為太學。迺同事而異名。沿及六國。厥制
云亡。漢武祖立典禮未詳。世祖中興而復建。嗣
事迺盛於永平。蓋宗祀光武與黃帝。迎養三老
與五更。時三雍已別為區宇。而袒割猶傳其儀。
章。逮虎觀僅存遺意。洎鴻都遂以無稱。唐宋以
降。太學屢有盛衰。而辟雍之制。概未遑也。今

皇帝敷明和於函夏。追文武之遐蹤。而門閭既制。殊于

太室更叟又議絀夫蔡邕將帝王之制禮不必
相仍歟。抑古今之異宜。名與實不容相蒙也。稽
古先王喟然而笑曰。若子所云殆所謂索劍而
鋏其艦也。夫國學所以明人倫。示天下範模而
已。義本共乎三代。制特別於諸侯。叶譬猶執圭
而鎮為尊。設懸而宮固殊。其教則禮樂詩書之
竝崇。干戈羽籥之與俱。選俊傑以遞升。實官材
所由儲。若乃天子入學。則師道昭。叶太子入學。
則齒讓乎。自羣后之太子。與公卿大夫之適子。

皆以迪其德業而範其馳驅。是以作人庸歌於
壽考。斯士致美於髦譽。東周之衰。子衿興刺。游
士遂橫。書禁乃厲。及炎漢之代。興奮然欲以起
廢舉墜。然德化初未流洽。禮儀卒亦不繼。道德
薄而教澤淺。本源先匱焉。爾惟北京之國學。迺
肇建於至元。元以武威定國。而懿德未闡。叶明
自永樂遷都。政雜多端。迄乎中葉。寺人是聽。叶
視殿陛猶萬里。憚一莅乎千官。違恤學制之完
缺。與儒術之亨屯。我

朝

奕葉緝熙。淳流行溢。

皇帝以

天縱之聖。日新厥德。用中為度。致和為律。率

祖而日月輪重。由

聖而君師契合。叶

十贊早勒於

杏壇。雙楹重登夫

賜器。叶肄

御製詩文於膠庠。

頌四庫全書於中外。叶自興桓近垣暨天方絕域莫不

設學建

廟。岌然就我埏埴。矧茲成均首善。時夏之所觀型。鄉校之所取則。而辟雍顧久遺闕也。迺

命司空度地。考工庀材。眡以景絜。營以般倂。採喬檉於嶧嶮。伐磐石於厓厓。天官涓辰。挈壺正時。順柔祇以啓土。規明月為周池。疊碕岸之礫硯。縹洌井而成漪。洊習坎以盈科。欣觀濶之在茲。駕長

虹以為梁。蛻青龍之躩踞。鱗魚樂於躍淵。想蒲
藻之含滋。於中則考廣袤以架殿。度堂筵以為
基。抗崇墉之岌業。豐華覆之赫戲。列丹楹以玉
礪。攢芝栢與蘭橈。藻以綵繡。綴以雲霓。思夏后
之卑室。嘉周民之子來。重屋八達。地矩天規。階
墀。璘。胸。四門洞開。順鄉作繪。五色彰施。儉不能
踰。華不可裁。中曠煢以覩深。軒楹豁而向離。義
穀揚燧於朱拱。舒輪皜皎於瑤墀。應

辰極以居正。象

帝心之無為。憑學海於函丈。窺源達於

聖涯。擬圓神之周流。隨鑑照以無私。時風遭以成文。占

渙號而化馳。懸以

璇勝。蟠以雙螭。

乾文垂曜。倬漢燭奎。翼以六堂。左右遞迤。諸生絃誦。於是焉稽。東序西序之模斯在。上庠下庠之義可推。於前則瞻寶坊之屹峙。爛熳煥以霞飛。儼嶠壺之朝暾。映渤澥以流輝。蓋經始於昭陽之歲。迄闕逢執徐彌替。所司告功。萬方偕徠。

皇帝用是

親製訓言。昭示萬嗣。叶迺以今年春二月上丁。舉

釋奠之隆儀。

召生徒。

簡儒侶。

御幄陳冠珮。奉

寶座。當

宸宇。供

講案。移藻黼。設樂懸。區韶武。於時降婁紀躔。建星在戶。

天光肇登

鑾輿夙具叶

皇帝迺整法服。羅禁旅。

御蒼龍。翳翠羽。啓

鳳樓。指鱣序。建辰旒之華旗。從髣髴之衙衙。清道按列。

翼乎至於祀所。禮官告備。丹陛樂舉。鏗華鯨。振
猛虞。拊球石。合祝敵。簫管鳴。佾羽舞。大胥起而
登歌。摯褭坐而竝鼓。嘉幣迪列。盛牲實俎。

拜獻恪以致虔。羹牆懷乎如覩。

皇帝乃登彝倫之堂。更衮衣以攝威。鑒壅水以示冲。則有鱗角振振。鳳翽雖雖。虎旅翻以颺戾。鷺序鵷而雲從。賢裔博士領以聖公。國子寮屬悉率諸生。沿及高麗陪臣。趨蹌趨趨。遂遂蒸蒸。咸僕於辟雍南。異列齊恭。

皇帝迺

御正殿以臨叶之。晬顏穆穆。

日華

天容。瞻卿喬以有喜。仰清明之在。

躬韶樂作。臚唱鳴丹陛。繼六拜同禮畢。遂退樂闋無聲。
百僚升階。進講以次。元宰陳書。祭酒析義。譬猶
捲一卷於日觀。據撮土于厚地。

皇帝迺播

敷言示

實誨揭義象以天行。標文德為人極。叶君臣父子。概乎
五倫。潛見飛躍。乘乎六位。乾道惟健不息。聖人
以敬得止。叶偉君子之日強。公至善於同類。繇
躬行以自得。闡心畫為宏議。信修道之為教。覺斯民於

夢寐。強者聞以忤蹈。懦夫激而汗臂。九拜厥角。
合語發喟。迺頌。

帝歌之四章。明酌古之鴻制。闢更老之曲說。疊篤恭於
茂對。雲韶更響。茗椀均。

惠。遂奏道平之章。油然返轡。允矣東西南北之無不思
服。自漢永平以來。歷選列辟。以迄元明。又五百
餘年。而始邁茲會也。若予所聞。蓋迹而已矣。迹
出於足。而迹非足也。必求前人之迹。而一一
踐之。是欲行而適自窒也。且夫三雍之事。惡能

合一哉。原辟雍之作。蓋權輿於豐邑。川維時文。
王。方自岐遷。營靈臺以望雲物。又建學環以靈
沼。乃嘉名之肇錫。周人快見而誇美。猶秦風之
車鄰與駟鐵。及周之為天子。乃尊其名而相襲。

叶始應繇王之命。敬賜斧鉞。為西伯方率其二
以服事。安得有明堂與太室。若遽作宮以偕擬。
奚不虧損於臣節。若乃明堂之名。見於孟子。叶
蓋王者巡狩方嶽。居之以朝百辟。若並廟學以
同處。又安能攜以適四國。月令誌青陽與總章。

名因時以判析。蔡邕據以論定。規制多以蒐率。夷考唐虞。茅茨不翦。土階三尺。夏后垂戒峻宇。恐未必致美於宮室。迨殷周之營建。制度難以究悉。後儒傳會以道古。亦姑存其說云爾。漢武封泰山。公玉帶上黃帝詩與明堂圖。時嘗用之以祀太乙。而未嘗議及於辟雍。其事本不相及也。明堂方三十六丈。其地初非甚濶。合朝祭與造士。神人亦嫌無別。宗祀或出特舉。朝學豈容混壹。卽太子之齒學。亦行禮而來至。叶脫衆庶。

之雜處。徒吮眙其何益。徇瞽說以力行。將謀食而得噎。東京分建三雍。固知不可以合設。而析辟雍與太學。則亦美其名而未考其實也。至若庠之為養。孟詵自確疏三老與五更。豎儒乃刺為穿鑿。叶喜

聖訓之昭宣。豁霽翳於衆目。勒

前說與

後記。儼合璧於雙珏。禮大合樂。遂養老儀。自秩乎饋酌。

叶既命有司行事。胡又重以袒割。鄉飲亦有介。

賓衆賓存餼羊於告朔久相狎為具文民詎因
以親睦昔文王最稱善養不必盡於學也所得
大老二人一著績於鷹揚一以養終而好事者
以為逃於首陽世儒篤信異聞迺莫知其荒唐
及東漢之盛僅得李躬與桓榮後則魯丕楊統
亦叨禮隆而靈之未造猶賜玉杖於袁逢彼已
失其玉鏡底事承乎虛筐

皇帝愛育黎元使養其老寒者以衣饑者以飽於鄉有
銀牌之耆侶於朝有香山之壽僚春正肆

宴方鳩三千叟於

紫宮煥若衆星之拱繞。又何有於三五之小小者乎。且
自宣聖既遠。卮言殽真。非一二人也。夫子之言
性。天子貢嘆不得聞。漢宋而降。訓詁習沿。五尺
之童。哆然發口。於其間。無恠眉山之善喻。唾捫
燭與扣盤。至若封建論定於柳州。井田猶喧於
羣儒。不思田各有主。疇則樂為官輸。無罪而戍
其有。恐叛不可勝誅。又用臆說。以十六以上為
餘夫。果爾。則人皆有田。主伯亞旅。於何求諸。以

一人治百畝。安能分手足以耕鋤。其言甚高。以實求之。直當一軒渠也。易繫窮變通久。考千聖若合符。深衣可易燕縞。五冕詎仍收。嘒。貢微各為立號。質文不妨分趨。非先天以開人。要同歸於殊途。即庠序之異稱。夫非其明徵乎。是故務實者治。循名者誣。酌古宜今者聖。執古變今者愚。矧我

朝之制度。

列聖創垂為奕世顯謨哉。

皇帝以復古之彝教。深泥古之遠慮。權損益於百王。妙

化神以時措。詒

大訓於子孫。俾履滿之知懼。傳

堯心於執中。孚姬德以念

祖。叶此所以

詔古今之通航。而億萬禩用以保延

洪祚者也。吾子服習古訓。不能溫故以知新。猥摭撫勅

說以為儼議。亦未紬繹

聖言也。鯢鵬乘海運。而鯁鯁啞喋於衆。磻鵠鴈啁哳於

柳樊欲以有覲難矣僕亦摹繪

乾象第依所見以為名叶而

帝載之廣運究非筆舌所能詮也於是拘墟子避席眄
睨仰天嘆曰大哉

聖人之時所以用中也鄙人覲覲有類夏蟲迺今聞命
渙若發矇矣

雅謹序

朱珪

皇上智臨天下

燕育仁壽

制作明備。

教思無窮。乾隆五十年。辟雍工成。

御製國學新建園水碑記。

揭宣精義。二月上丁。釋奠。

先師。遂。

臨其地。講學。皇哉。邁古之。

盛典也。臣謹案辟雍之制。權輿周文。義取明和。鄭康成。

以為諸在辟雍中者。感於中和之至也。壅水示
圓。即靈沼也。及武王建之。鎬京。遂為天子之學。

然說經者不一。莊周言文王有辟雍之樂。古者以樂教胄子。則樂即所以教也。以其有臺囿池沼。則以為在西郊。然西郊虞庠也。以其與清廟太廟明堂太學異名而同事。則蔡邕以為其實一也。以其行饗射養老於中。則朱子以為雍如振鷺之西。雖即澤宮也。然天子之學。小學在郊。大學居內。則以為與成均竝建於一邱之上也。故堂方法坤。屋圓效乾。方徑則九六之數。閨宮戶牖。象卦辰之變通。天屋高黃鐘之實也。環水

四周海流之富也。漢兒寬稱武帝祖立明堂辟雍。河間獻王獻雅樂對三雍宮。然考武帝所立者。公玉帶之昆侖。非太學也。至劉向因犍為郡得古磬。說成帝興辟雍設庠序。其時案行長安城南營表未作。光武中興乃營立明堂辟雍。顯宗躬行其禮。史參園橋之衆者也。然班固禮樂志。以為威儀既盛美矣。而庠序尚未設。翟酺言明帝時辟雍始成。欲毀太學。太尉趙熹以為宜兼存之。則是辟雍與學為二。循其名而無其實。

也。唐歸崇敬言晉武帝臨辟雍行鄉飲酒禮。別立國子學以儲士庶。今辟雍獨闕。請以國子監為辟雍省。當時憚於改作。迄未施行。宋崇寧元年。卽城南外營外學為辟雍。乃在上舍外舍之亞。然則自兩漢洎晉唐宋。議制紛囂。舉典疏濶。皆不合於明倫之實。大雅之誼。元至元丁亥。始立國子學於北城之東。而辟雍未建。訖五百年於茲。曠如也。

皇上稽古揆時。濬源規地。連乎自周以來越三千年。而

辟雍與太學復合為一。豈不偉哉。且夫文武功德。福祚教養之純。撫而懿備。未有盛於今日者也。

聖學緝熙光明。四庫之全編入。

乙覽所在。分建七閣。則書在上。庠韓詩所謂立明堂於中。五經之文所藏處者。不足言也。

聖武天授。再平金川。闢地西北二萬里。告成之碑。四建於學。則記所謂以訊馘告者。不足多也。

古稀天子。

五代一堂則詩所謂貽厥孫謀以燕翼子者無以加也。
今年上春。

特舉千叟宴於

乾清宮。

大賚耆耆三千人。外及朝鮮之使則禮所稱四代養國
老庶老之制隘矣。至於尊三兄五。卮言日出。何
當於成均東序之旨哉。辭而闢之。廓如也。臣又
按記云。學之為父子焉。學之為君臣焉。

皇上以身教天下。純正安止。立人倫之極。歲省日新。

至誠無息。

體天行之健。大學之至善。大易之乾元。惟我

皇上躬行而心得。故發為

御論。深切精微。羣臣士庶。至於海表。陪隸傾下風而翕

然。醇懌。所謂自西自東。自南自北。無思不服者。

惟

天子身度聲律。故心悅誠服之至也。臣受

恩禁近。仰望

穆光榮幸。忭躍不能形容。

德業之萬一。竊作雅詩八章。章十六句。附於永言蹈舞之末。拜手稽首以

獻。其詩曰。

帝德純矣。承

天牖民。

成教悠久。作

師作

君。禮理樂樂。昭明和訢。五帝之學。厥惟成均。命夔以來。道在周文。亶亶穆穆。不已其勤。惟有辟雍。靈沼

齋齋曠典千載待我

聖人一章

聖人揆聖蹈孔憲周五謁

闕里泗洙交流將將國學庭空樹樛元造明因五
百春秋淵泉弗濬昌鏡昌游乃

命鳩工圍壁肇修緇井用甃勿幕其收石梁四達美事
造舟二章

觴沸園水中為辟宮闕門十二環洲玲瓏經始
癸春告成甲冬乾規坤槩日星沖融

帝杼大文。稽古折衷。匪襲收。升繪火龍。久速時措。節
儉道崇。三五袒割。鯢彼榮躬。三章

元日

詔下。

恩覃九有。宴老

內朝。三千其叟。仲春丁亥。辰在俶口。

帝駕蒼龍。鼓徵鐘叩。

升堂合樂。

釋奠用卣。舞詠踰調。球絲穆助。登俎馨香。祝帛燎樵。

德盛禮恭尊

師尚友四章

乃

臨辟雍鏡光雪瑩

帝發德音。圓橋觀聽。人倫之孚。慈仁孝敬。匪循其名。精

義希聖惟

聖法

天圓輪無竟

緝熙在心

宵旰在政。一日萬年。以篤

天命。桴鼓之聲。海隅敬應。五章

帝敷文教。天人大觀。

御製四集。雲章萬番。

文淵源津。溯滙宗淵。北極星石。辨黃河源。學校之
廣。熱河玉關。卽今國學。前稽至元。辟雍之興。越
五百年。光於豐鎬。覲此灣環。六章

帝成大功。

允文

允武止戈井絡。金川采阻犁庭伊犂。降汗曳組遂下城。

郭日入之部和閭崑崙歸我版土。

再平蜀徼掃蕩伏莽。

告成於學穹碑列廡。微斯岐陽魚貫十鼓。七章

天佑

皇帝壽祺康彊健行不息。

古稀方將既受

純嘏繩繩有常本支千億。

燕貽一堂璧潤比德澤流孔長。君臣父子之紀之綱。

教育天下。和雍明光。

皇帝曼壽。與

天無疆。八章

頌

劉 誦

粵自圖膺少典。闡四千載之文明。黌啓

神京。

釐五百年之制度。讀書缺有間。堯德難名。教胄直而
溫。虞官始重。元圭既錫。則夏校聿興。金德遞更
而殷序式闢。逮乎文武。遂創辟雍。拔水作宮。定

一王之成憲。旋邱為璧。開百代之鴻規。欽惟我

皇上布化如神體

天同緯

深仁醇粹。下洽翔螭飛動之情。

至德光敷。上擴覆載範圍之量。謂皇春帝夏。自共樂其

舒長。必玉振金聲。乃大宣其條理。已安已治。

作君作師。伏覩

皇上時中聖人。

古稀天子。日升月恒。山壽莫罄。頌禱之辭。天道地寶人

情俱壯熾昌之色慶

七十五齡之怙冒人樂春臺祝

萬六千歲之康強籌添海屋

受釐純懋錫祚延洪五十數曰大衍屢盈掛楮之占十

九歲為一章孰測紀元之積至於圖牒之所未
覩億兆之所臚歡

一德一堂

五福五代寰宇集千耆之瑞月正開六日之筵卿月民
星映丙曜而流暉彌吉東鷄西鰈隨寅杓而入

座皆春。可謂不世之遭逢。更荷無窮之

寵賚。欣聯綺席。瑞啓琅函。昔分虎僕之抄。已事而畢。今
勅龍威之護。按部就班。甲乙丙丁。儼貯六師之祕仗。

淵源津溯。恍流萬古之文河。

綸綍頌恩。

神人禔福。庚郵徧德。雖僻壤而皆周。甲圻街仁。等
春華之來被。臣聞有道之世。嶽瀆盡致其懷柔。
明禋之誠。牲璧竝昭其肝饗。是以卿班奉
使。儀秩告虔。天風引香。而雲巒翮豁。煙崖讀嘏。而

濤瀨清恬。若夫康樂和親。七葉有同居之族。老
壽繁祉。百年來扶杖之翁。曾孫之子。牽衣大父
之祖在室。竝攜

睿藻以著其嘉祥。復煥

奎文以旌於綽楔。此皆我

朝昇平之盛事。而

聖治光被之淳庥也。重以

宸封實紳黼之至榮。游息乃子衿之

渥惠。需雲露霽。白首含哺。解雨蘇蘇。丹書滿垢。罔不沐

浴

帝澤涵泳

聖涯前為于而後為喟。裴乎鼓而軒乎舞矣。迺者

天子考同文之治。精復古之心。以學校本推化理之原。

則辟雍宜副於樂之實。爰

命將作。俾立堂榮。謂其臺曰靈臺。復有可樂之沼。矣乎

水而上水。原多不改之泉。乃大有為。無小不備。

遂以上丁之辰。

親行釋奠之禮。薦饌進筭。

齊心辟容。見知聞知於道同。先聖

後聖其揆一。卽於是日設

經筵。

御講幄。緝熙敬止。則推闡五常。行健自強。則發揮四德。先覺覺世。如風風人。諸生親炙之餘。若泝洙而涉泗。羣工跼聆之下。忽披霧而覩天。與古為徒。於

帝其訓。至於老更三五之云。半屬賈鄭附會之見。彼桓榮之備位。何所取裁。卽永平之執經。概從刪斷。

此蓋我

皇上宸衷獨運。因心卽妙于從心。

聖諭恭嚴。愛古不可以泥古者也。臣忝掌銓衡。夙承

教育。目覩鎬京之盛。心哦大雅之編。愧贊誦之無能。願

濯磨而自勵。鳬趨素凜。欣聞昕鼓之招。葵向誠

殷。敬繹圓橋之聽。臣無任踴躍歡抃。拜手稽首

而為頌曰。

聖人御宇。福備恩醲。爰修至教。環水築宮。以習齒讓。以

樂鼓鐘。

躬行釋奠。齋志儼容。

躬親講學。雨化風從。自王諸臣。以訖章逢。罔不翼翼。罔不雍雍。

聖人享祚。大衍既付。純嘏彌長。莫測茲數。

壽逾古稀。

天體強固。元氣彌綸。卿雲布護。跼跼鷄游。般般磨步。引

養引恬。以陶以鑄。臣民自慶。際此

寵遇。

聖人多男。五福備覃。五福五代。含飴分甘。近時希有。往

牒悉探庶賤僅見天室靡談厥由

盛德渾淪包含參天貳地咸五登三領雲撫初孔樂且湛。

聖人錫壽清問耆年

詔開醑宴以洽華顛邇始

宗潢遐逮朝鮮濟濟翼翼接踵摩肩拜

恩少府飽德長筵老人嬉遊懷葛之前

聖人考文博蒐羣籍千指眉螺萬谿裁壁浩如烟海紛如朱碧逡巡歲事近若朝夕奎躔輝輝斗匡奕

夾虎觀石渠。晒彼仄迫。錦暉纒排。長恩任劇。
聖人如春。吹萬皆新。風和雨甘。枯茁勾伸。

帝有恩言。如絲如綸。如罇在衢。如樂在均。如燠斯室。如
响斯春。以協中外。以和人神。式歌且舞。咸祝

皇宸。

聖人重祀。無遠弗咫。嶽瀆秩崇。公侯是視。出雲見物。潤
及千里。辦香自

天。大僚簡畀。往盡乃誠。惟馨惟旨。莫不效靈。罔弗順軌。
聖人在上。天下大同。眈眈元氣。襜襜淳風。七葉弗析。惟

和惟公如支附本如蒲同功或壽曼羨有百年
翁曾孫抱子觶肥屏豐榮懷之積德符之充熙
熙皞皞仰恆

皇衷

聖人牖民慎覈名實名賓實主實在賓謁伊昔建學至
今弗越號曰辟雍名存實逸壅水曰雍非沼曷
室挹彼注茲井養習吉澄之愈清用之不竭名
實相副主賓有秩億萬斯年絃歌講述

序

趙佑

臣敬稽古者建國君民。教學為先。天子曰辟雍。諸侯曰頴宮。辟雍者太學也。辟明也。雍和也。言天子之德。有以平章百姓。百姓昭明。協和萬邦。黎民於變時雍也。又辟言璧。雍言壅也。取其圓如璧。壅之以水。毛詩傳謂以節觀者也。其事始於周之文王。作邑於豐。與靈臺竝建。故大雅之詩。竝紀於一篇之中。靈臺觀乎天文。以察時變。辟雍觀乎人文。以化成天下之道也。及武王舉其禮於鎬京。詩歌之曰。鎬京辟雍。而辟雍遂為

天子定制。凡釋奠於先聖先師。與夫教國子養老選士皆在其中。誠百世之隆軌矣。臣竊流觀載籍。一王開國之初。典章制度。有已備者。有未備者。有所未備。不能不仍用前代之禮樂。以待後之治。定功成。釐訂而振興之。所謂禮樂百年而後興待其人而後行也。漢承秦弊。文景雖立學宮。而禮樂未遑。後漢明帝始有臨雍之舉。史記圓橋之盛。而迄不足以追隆古。乃至諸儒紛紛以太廟明堂辟雍并為一處。謂之異名而同。

實其說始於大戴記。而蔡邕月令論、穎嚴春秋
釋例因之。此孔穎達詩正義所為採袁準正論
以正其失者也。夫欲考古制酌時宜而於實名
之異同是非先不能確定其指歸何恠乎四門
之徒設而南北之紛歧故曰作者之謂聖。述者
之謂明。述與作兼。聖以明至。自非極天人之協
應際。

景運之邳隆仰

一人之懋建。孰能稽古定憲集百代帝王之大成。而美

善靡不臻者乎。欽惟我

國家。烝烝皇皇。

重熙累洽。所承乎

天眷。獨厚以全。

祖宗謨烈。昭垂定天下。以武而治天下。以文久已。普思

服於無外。

皇上躬生安。勤夙夜

御宇五十年。外闢疆域。內輯甸男。所以宏

前緒而裕後昆者。彌無不至。自禮章樂舞。以迄象數之

微律令之大。旁及百家圖說。罔不定自

審裁。一以貫之。至於羅四庫而雲蒸。歸

七間以霞起。煥乎千古未有之大文矣。

特命京師首善之區。太學人才之會。厥自元都北平。立

國子監。而明因之。獨於辟雍之制闕焉。迄今五
百餘年。古而弗稽。盛將焉嗣。蓋甚

厯乎臨幸之儀飭。而明和之義弗彰也。

曰。余其時揆舉之。汝百執事其敬承之。於是

詔禮官。諏吉良。鳩工庀材。辨方正位。穿井引池。璧流迴

環自癸卯春經始於甲辰冬歲成則見夫表規
裏矩四通六闢靈源溶漾虹梁翼拱亭亭峇峇
豈碑切乎雲漢而大義炳於日星蓋仰觀
宸翰之為章羣言始得所衷焉惟二月上丁

皇帝釋奠於

先師。懔車服之在庭陳帟幘而應節淵乎六變之響
穆乎六拜之容既而

御辟雍大學士及祭酒進講經書記注之史羽林之士
肄業諸生徒咸屏息俟

上乃闡微啓秘。君臣父子之鵠。自強不息之機。一一鉤其元。提其要。

親為指授。怡然理順而情融也。百禮既洽。

慶賜遂行。見見聞聞之侶。咸蹈舞而觀成。大矣哉。斯誠

三五紀載所未詳。而漢唐以下。良不足述者矣。

臣謹益推大雅之教曰。濟濟多士。文王以寧。又

曰。周王壽考。遐不作人。時文王以方伯當既耄

之年。能興學立教。以成造士之功。其在頌曰。振

鷺于飛。于彼西雝。說詩者曰。此釋奠於太學之

詩也。西雖卽辟雍也。我客戾止。亦有斯容。言文王之時。辟雍學士皆潔白之人也。今我皇上以廣運之德。四方來賀。

萬福攸同。介

壽則有踰古稀。紀年則適符大衍。以方麟趾之瑞。則五世而一堂。以開魚麗之筵。則千叟之咸集。由是明以揚懿鏢之儀。而和以召滋至之祥。莫不興。莫不增。有非文王所克同。斯盛者乃猶

覃思稽古。稟經惇典。勤勤焉若修舉之未備。而

作與述務極乎精詳。則信乎文之為文。惟我
皇之建其有極也。而純純不已。無非體

天之明。人之和。下宜人而上御

天。以益宏

前緒。裕後昆於無窮也。臣以菲材。荷

聖慈特達之知。由翰林科道擢京卿。視學山左。游泳於
禮教之鄉。竊見有衍聖公。逮諸賢裔。儒服矩步
之士。莫不踴躍覲

光。其承曠世

盛典臣秩在奉常而

恩叨使節。不獲躬隨。班末。褰駿。奔惟是廢忤之私。導揚
之義。則一擬諸

日月之光華。

春風之浩蕩。而草木昆蟲。皆得抒傾向。效翔鳴於其下。
謹拜手稽首。敬從獻賦諸臣後而為之序。